

PROGRAMMA

LVK FINALE 2012

VEILINGHAL MERGRAOTE

LVK 2012

FRUITVEILING

3 FEBRUARI 2012

EESJDE - MERGRAOTE



LVK 2012

FRUITVEILING



Grafische vormgeving
+31 (0)43 311 31 59



LVK - FINALE

Eijsden - Margraten

2012

vriedig 3 fibberwarie

Prissentasie: Henk Hover

Samesjtelling: Jos Cremers, Sjtichting LVK
Opmaak: Piet Rooijackers, Buro Pro
Drök: Schrijen-Lippertz



LVK 2012
FRUITVEILING

EËSJDË - MERGRAOTE

Het Limburgs volkslied *'Limburg mijn Vaderland'*

Waar in 't bronsgroen eikenhout
't nachtegaaltje zingt;
Over 't malse korenveld
't lied des leeuweriks klinkt
Waar de hoorn des herders schalt
langs der beekjes boord


refrein:

***Daar is mijn Vaderland
Limburgs dierbaar oord!
Daar is mijn Vaderland
Limburgs dierbaar oord!***

Waar de brede stroom der Maas
statisch zeewaarts vloeit
Weeldrig sappig veldgewas
kost'lijk groeit en bloeit
Bloemengaard en beemd en bos
overheerlijk gloort

Waar der vaad'ren schone taal
klinkt met held're kracht
Waar men kloek en fier van aard
vreemde praal veracht
Eigen zeden, eigen schoon
't hart des volks bekoort

Waar aan 't oud Oranjehuis
't volk blijft hou en trouw
Met ons roemrijk Nederland
één in vreugd en rouw
Trouw aan plicht en trouw aan Geus
heerst van Zuid tot Noord



Ron Steijns



Hofkapel 'Roed is Droof' van CV de Druugsjliepers Eijsden

VEURWOORD VEURZITTER SJTICHTING LVK

Veur de ierste kier in het 35 jaorig bestaon van het LVK wurd de finale georganiseerd door drei carnavalsverenigingen samen. De Druugsjliepers, de Klèèflep en de Rieste hebbe zich letterlik verenigd um dit evenement dit jaor te gaon realiseren. En det in de veilinghallen in Mergraote in de allerjongste gemeente van gans Limburg. Met veul enthousiasme en plezeer zien ze bezig gewees mit de veurbereidingen en ze hebben os ervan overtuugd det ze der alles aan gedaon hebben um dit eine prachtige finale te maken.

Aan deze aovund is al veul veuraaf ge-gaon. 237 Inzendingen zien door de hoofdjury beluusterd en teruk gebrach tot 60 halve finalisten. Behalve op de radio heet ederein die halve finalisten auch veur de ierste kier op L1 TV kinne zeen. In ein volle studio woore der wer nuuje kleine flesjes in het groete LVK fles geboore.

En veur de ierste kier waas er de gelegenheid um in de halve finale naeve de bonnen auch via sms mit te stummen. Mit behoud van de traditie blief



Joep Verbugt

het LVK mit de tied mitgaon. Want het LVK heet inmiddels ein hiele geschiedenis opgebouwd. Die geschiedenis is onlangs nog beschreven in het ierste Grote LVK Boek 'Vaan Eysde tot de Mookerhei'.

35 Jaor Limburgse carnavalshistorie mit prachtige foto's, beschrijvingen en de teksten van alle winnende leedjes. Onmisbaar veur de echte leefhebber. Op de 11e van de 11e hebbe wae dit uniek document in de ganse provincie gepresenteerd. Er zien nog mer ein paar exemplare te kaup...

Deze finale kint gin regionale jury's mier. Auch det is veranderd. Alwer veur de ierste kier hebben wae van aovund drei provinciale jury's in Eesjde-Mergraote klaorzitte die samen met de hoofdjury en de sms-stumme van het volk gaon bepaolen wae heej veur de ierste kier...in Mergraote het LVK geit winnen!

Het geit natuurlijk neet allein um het winnen. Het geit um de ier en um mit te mogen doen en mit ederein samen dit geweldig fles te mogen belaeven. Ich dank alle vriewilligers, sponsoren, L1, de bon-

nentellers, de juryleden en de ganse santekraom oet Eesjde-Mergraote veur al het belangenloze werk. Dae dank geit natuurlijk auch nao de artiesten die ich de aovund van hun laeve toewins. Laote we mit z'n allen gaon geneete van waat dae schoene vastelaovend os geit bringen.

Wae gaon aan de geng...en wae hauwe op de kis umdet er neet veur de ierste mer veur de 36e kier ein LVK finale is.

Joep Verbugt,
Veurzitter LVK



SJTICHTING LVK

't Besjtuur besjiteit oet (op de foto van links nao rechts):
Jos Cremers • John Habets • Hilde Bremmers •
Joep Verbugt • Ron Aspers • Stan Spauwen •
Erik Brouns • Elise van Wordragen •
Jan Volleberg

Posbös 1625 • 6201 BP Mestreech
info@stichtinglvk.nl

KvK nr. 41071309 • Bankrek. 17.05.28.111

Welkomswoord van de Veurzitter Stichting LVK 2012 Eèsjde-Mergraote,

"De Limburgse klanken vanoet 't Golvend Heuvelland".

De Klèèflep, De Druugsjliepers en de Rieste, W-dreej zien der klaor veur om gans Limburg 'Vandaag' te ontvangen in de veilinghallen van de 'Coöperatieve fruitveiling Zuid-Limburg' hie in Mergraote.

Ut is veur mich eng groete ier om vanaaf dis plaatsj te zegke *"Kôm 's kieke beej os"* zoe es de winnaar van 't Limburgs Vastelaovesleedjes Konkour 2011 veurig jaor zong. Welkom in Eèsjde-Mergraote, welkom in ut heuvelland vandaag geit ut gebeure, hie hubbe veer drei jaor aan gewirkt om dees finale te realiseren, en veer seen d'r trots op om dit veur uch te moge organiseren.

Dees LVK finale 2012 hie in 'Eèsjde-Mergraote' zal straks de geschiedenis in gaon als de LVK finale die de fusering simbooliseert van os neuij gemeente Eèsjde-Mergraote. Me mie noch uch de gastvrijheid vaan us gemeinschap kint laote



Frank Dumont

ervaren, kiek mer uns nao de 19 culturele filmpkes van eeder dorp/kern vaan os gemeente, en 't theater van 't Heuvelland' dat boete veur uch klaor stond, en woa meer es 1000 figuranten vanoet os Gemeente aan hubbe mit gewirkt. Dao aan zus te dat dit volkscultureel evenement klaank en kleur geuf aan de Limburgse identiteit van ozze Vastelaovend, en biedreug aan de saamhorigheid en vriendschap vaan os ganze gemeinschap. Ut verbind groete, kleng, erm, rieke, gewichtige, gewoon, linkse, rechtse, slum en onneuzel luij mitein. Mè zoonder de inzet en biedrage van alle vrijwilligers, oos 'LVK-partners' de luij van de Stichting LVK, L1, de Gemeente, Brandweer, Politie en neet te vergeete de luij van de Veiling houwe veer es verenigingen zoe un evenement noets veur uch kinne organiseren. Daoveur namens de Stichting LVK Eèsjde-Mergraote miene hartelijke dank.

Geweldig wie zoeveul luij vaan os dorpkes zich spontaan aanmelde es vrijwilliger en zich inzit um

het LVK 2012 te laote sjaage en um saame mit os vandaag het middelpunt van Vastelaovendvierend Limburg te zeen. Wee zal straks dee felbegeerde LVK trofee veur der 36e kier in ontvangst mooge nieeme?

"Kôm 's kieke beej os, vandaag geit ut gebeure, W-dreej, Klèèflep, Druugsjliepers en Rieste zeen der grutts op dat veer de LVK finale 2012 veur uch hobbe moge organiseren".

Ich wuunsj uuch namens de Stichting LVK Eèsjde-Mergraote alvas unne plezeerige aovend, Geneet dervan...

Vastelaovend same!

Veurzitter Stichting LVK-2012 Eèsjde-Mergraote,
Frank Dumont



Geneet van ut LVK!

Als burgemeester van Eijsden-Margraten ben ik erg trots! Trots dat de organisatie van de finale van het LVK 2012 is toebedeeld aan maar liefst drie verenigingen uit onze gemeente. De drie carnavalsverenigingen; De Rieste uit Margraten, De Druugsjliepers en De Klèëflep uit Eijsden, die de organisatie hebben vormgegeven, laten zien waartoe het bundelen van krachten kan leiden. Ook zonder medewerking van de Coöperatieve Fruitveiling Zuid-Limburg was dit evenement niet mogelijk geweest. Het maakt mij ontzettend trots om te zien dat wij met zijn allen zo'n mooie Limburgse traditie als de LVK-finale in onze gemeente mogen organiseren.

Het is mij immers niet ontgaan dat het LVK enorm leeft in Eijsden-Margraten en omgeving. Het belooft ook dit jaar weer een groots en mooi spektakel te worden. We kunnen er trots op zijn dat op deze dag bijna 300 vrijwilligers hun handen uit de mouwen gaan steken om er een enorm succes van te maken. Zo is voor heel Limburg direct duidelijk wat Eijsden-Margraten met z'n allen voor elkaar kan krijgen!



Elk jaar opnieuw trachten vele carnavalsverenigingen de organisatie van de LVK-finale binnen te halen. Het LVK is immers de Champions League van de Limburgse vastelaovend, met dien verstande dat bij het LVK de Olympische gedachte dat deelnemen belangrijker is dan winnen, hoog in het vaandel staat. Wij als gemeente, Limburgs jongste gemeente welteverstaan, hebben een sterke drive om ons te manifesteren. Niet alleen in de regio, maar ook op het gebied van cultuur. Met dit LVK, dat garant staat voor geweldige vastelaovesleedjes geven we vorm aan een belangrijk stuk Limburgse cultuur.

Laten we er een muzikale, sfeervolle en vooral gezellige avond van maken. Geneet d'r van!

*Dieudonné Akkermans,
Burgemeester Eèsjde-Mergraote*



Wij **danken** de Coöperatieve Fruitveiling Zuid-Limburg, de Stichting LVK, de organiserende carnavalsverenigingen 'De Rieste', 'De Druugsjliepers' en 'De Klèëflep' en alle vrijwilligers voor hun bijdrage en inzet.

Wij wensen alle bezoekers van het LVK 2012:

veul sjpass en plezeer!

Eèsjde - Mergroate alaaf!

Beste LVK-leefhebbers,

't Limburgs Vastelaovesleedjes Konkour winne is manjefiek en normaal gesproke einmaolig um mei te maake. Maar twieë kiër achter mekaar 't LVK winne is hielemaol waan. Weej hadde noeijs gedach det weej de enorme LVK-prestatie van de Venlose vastelaoves-Godfathers Wiel Vestjens en Hay Cromptoets kòste evenare. Waat d'r vurrig jaor in Kepèl en de waeke daonao met ós is gebeurd, is haos neet te beschriève. Eigelik makse alles maar half mei en kinse de aantalle minse die dich aanspraeke en felicitere nauweliks fetsoenlik aandach gaeve umdet d'r aan alle kante aan dich getrokke wuurt. In al dae heisa mósse dich neet gek laote drejje en oétkieke det succes neet ten koste geit van de minse die doeën beej dich staon. Asse dan met dreej bis, trek d'r gelökkig altiéd waal eine op tiéd aan de handrem. Pas rónd Halfvaste realiseerse dich waat d'r allemaol gebeurd is en op wiewuul buuns en podia desse hebs gestaon. In os vastelaovesleedje van 2011 hebben weej idderein gevraog um 's te komme kieke beej ós. Met as resultaat det weej op verschillende plaatse in Limburg beej óg hebbe meuge komme kieke. Det haet de vastelaovend van 2011 veur ós onvergaetelik gemak.

'Vandaag!' is 't te doen in dees bomvolle fruit-veilinghal in Margrate wao De Rieste, De Klèèflep en De Druugsliepers same met L1 Radio en TV en de Stichting LVK d'r veur gaon zorge det opniej ein Limburgs Vastelaovesleedje as beste wuurt verkaoze. Weej wille op dees plaats netuurlik gen appels met pere vergelieke maar noow de jurering eine andere opzet haet gekrege, zal dees finale met extra spanning gevolg waere. Weej winse alle bezeuers, sponsors, compeniste, teksschrievers en artiste venaovend ein fris en fruitig LVK en zoele tot besloet wille zegge; D'r aan met die banaan, pak óg venaovend op d'n tied ein eppelke veur d'n dors en gaef dae manderijne. Tadaaaaa! Einen toesj veur 't LVK in Margrate!

*Leefs, W-Dreej:
Christel van Rijn,
Quinn Warmerdam,
Hay Wilders*



Mien dink

De ieërste aovend joetse, 't gezich waert ouch gesjmink
En kóm ich örges binne, altied emes dae mich wink
Dao kóm ich aan 't praote, sjtaon al sjnel in eine krink
Hie is 't óm begónne, det ich dao-op eine drink
Den kump woe ich aan dink
En idderein hie zingk

Refrein

Jao, dit is gans mien dink

Nao de resepsie, same oetgaon, en de joekskepel-meziek

Jao dit is gans mien dink

't Sjoëën verkleije, nao de zitting, en de optoch dae ich kiek

En wao ich kom huur ich sjteeds eine sjaterlach

As ich zègk: Hüb allein maar aan mien dink gedach

Jao, dit is gans mien dink

Alles wat de vastelaovend ós bringk

(Lètste kier: jao dit, jao dit, jao dit is gans mien dink)

De twieëde aovend joetse en ouch noe gaon ich weer flink
Ich zing mèt de meziek mei zeen de prins dae dao-op sjprink
Hae sjteit op eine sjtool en reup: Dit is wat ich be-dink
Veur mich is Vastelaovend ech 't allergróts gesjink
Den kump woe ich aan dink
En idderein hie zingk

Refrein 2x

Oetveurende: **Pieter en de Aajwiever**

Teksdichter: *Pieter Classen*

Compenis: *Pieter Classen*

Plaats: *De Ruiver*

LVK01



De äöpeningsdans

Refrein:

*Ederen daag, det ich dich vraoge maag
mich dezen dans te gaeve
en d'n hemel te belaeve
Mit dich in m'n erm
En es ich den zijweef, mit mienen hartendeef
onger sjterre die sjtraole;
ken de 100 waal haole
Mit dich in m'n erm*

Het is al ein jaor geleje,
wie weer hiej op het prinsebal
veur het iëers dit denske deeje ,
ich veulde vlinders euveral.
En noe vandaag, 't is vastelaovend,
sjtaon ich mit dich in prinseprach
en gaon weer danse op het leedje
det os hiej same haet gebrach

En huer dao klink os melodieke,
de ganse raod sjtuit om os haer
zijweij nao os vrunj die sjtaon te kieke
nao dien kruënke nao mien vaer
de pap is gruetsj dien mam in traone,
en ozze Vors dae kik en lach
en zie sjoenkele op het leedje
det os hiej same haet gebrach

In dien erm, (hils doe mich werm en veul ich mich
zoa good)
In dien erm, (geufs doe de prins in mich het blauwe
blood)
weer danse door dees vastelaovesnach
Dans mit mich, (es sjterre baove aan den hemel sjta-
on)
Sjans mit mich, (en laot os same door het laeve gaon)
Op het leedje det os hiej same haet gebrach

Oetveurende: **Spik en Span**

Teksdichter: *Niek Dirkx & Jan van Wegberg*

Compenis: *Jo Huijnen & Niek Dirkx*

Plaats: *Zöstere*

LVK02



De Confetti-Raegedans

Refrein:

4 Veders danse de raegedans. Who how?!

Danse de raegedans.

Om naat te waere maak geer waal gein kans.

Who, how?!

Maak geer waal gein kans.

Want es ut waor is wat d'r is veursjpeled.

Dan is ut allein confetti wat d'r veld.

Oef!

Heejheejdieheejdieheejheej

Heejdie heejdiejheej

Who How?! Heejdiejheejdiejheej 2x

Kiék mich noe hiej met die veere oppe kop,
Diek de verruf oppe sjoét en alle paorieje versjtop.
De moccasins aan en ein biélke in de hand,
En zoeë haol ich morgevreug dan waal de krant.
How?!

Dich, nae dae, kiék maar wie dae hiej noe sjteit.
Janneman dae zich es blanke veder haet verkleid.
Ich? Nae dich treks volle zale, kiék wie bleút!

Wae löp hiej de ganse daag op bloate veut? Who?!
Noe geit ut loos veur dees 4 manne,
Al sjteit de baog waal get gesjpanne..

Veer laupe hiej in dae zaolentrein rôndj,
En veer sjtampe noe vol euvergaaf de wörrum oét
de grôndj.

Mit ut vôtje nao achter, en de naas rech veuroét,
Bringe veer ein bietje 'laeve in de boét'. How?!

Blanke Veder zaet "Ikke sjtaon veur totumpaol!"
Wat dachse dan van os? Dat sjtaon veer noe toch
allemaal.

En die indian-moves, heure tuurlijk auch d'rbeej,
Hebbe veer geleerd van Christel van W-Dreej
mmmmm Oef!

Dat weurt dus prônke mit os veere,
Es veer mit ug d'n dans probeere

Oetveurende: **Veer Veere**

Teksdichter: *Quinn Warmerdam*

Compenis: *Quinn Warmerdam*

Plaats: *Gelaen*

LVK03



De Sjeigel

Refrein:

*Pas de kop neit in de sjeigel, jao den zèt ein peske trök,
Dan mòste kieke, dan mòste kieke.
Mit dae kop wie eine keigel, vinsj't gek dat 't neit lök,
Noe zal blieke ,dao hóbste neit van trök.
Of de sjeigel is te sjmaal of dae kop dae is te dik,
Jao wat wilste mit zo'n trääöt,
Es zelfs de sjeigel zich versjrik.
Mer doe wils dan toch de sjtraot op,
Es de ganse sjtad al zink, noe kiek dae aerpel,
Dae is pas hauf gesjmink.*

Mit vastelaoveszóndig haol veer alles oet de kas,
Dan gaon veer ós verkleije, zo begint bie ós de sjpas.
't Pekske waar al oetgezóch, dat zit mich wie gelèk,
Nog effe gauw de sjoon gepóts ,die blinke wie perfek.
Nog ein kleurke in't gezich, dat vilt neit mit,
Went witste wie dat zit?

Vastelaovesmaondig trèkke veer mit ós kapel,
Veer gaon dan lekker sjooje en veer klaene op dat vel.
Mer eesj nog same sjepek mit ei,
Dan gaon veer weier op paad.
Veer motte ós gaon sjpauwe, angesj komme veer te laat
Nog ein kleurke in 't gezich, dat vilt neit mit
Went witste wie dat zit?

De lèste is de bèste, dus nog eine keer op sjtap,
De boet laug gans vol foddele pès aan de keldertrap.
Ich sjanpde mich vanal biejein, mèr jóng waat sjtóng ich d'r op,
Ein pètsjke of ein pruukske, mer niks pasde oppe kop.
Nog ein kleurke in 't gezich, dat vilt neit mit,
Went witste wie dat zit?

Oetveurende: **Cyrille Niel**

Teksdichter: *Sjohn Smeets*

Compenis: *Gian Prince*

Plaats: *Zitterd*

LVK04



Waer Alarm

Refrein:

Hiej hingt vastelaovend in de loch

Hiej hiej hiej geit ut gebeure

Hiej hingt vastelaovend in de loch

Kiek die wange kleure

Limburg is weer zwaorbevolkt

Un hoëg en druk gebied kumt d'raan

*As ut aan de maas weer kolkt zien depressies van
de baan*

Kiek...huur... den wetse al genog

Hiej hingt vastealovend in de loch

Ech ich huur ut neet zoe gaer

As ut Menke van ut waer

Zaet det ut weer 30 grade wuurd

Nae ich waer pas hiel erg bliej

As dae zaet det is veurbiej

De zomer en de herfst die hubbe lang genog ge-
duurd

De wintjer en ut veurjaor zien noe in ut landj

En dao onger in ut zuuje dao is get aan de handj

't Water lup mich van de kop

Temprature laupe op

De joekskapel die bleus met windjkrach 8

En terwiel ut mistig leek

Zoog ich toch noch unne steek

De straote laupe vol der wuurd un waer alarm ver-
wach

Maar as ut veurjaorszunke weer door de wolke brik
den wet hiej idderein al geliek waer det aan likt

Brök:

Neet idderein begriep ut drek

As ich den weer lachend zek

Sjtaon ich bie den op-toch toch noch oppe trek

Maar as ut neet trekt

den motte weej duuje det den optoch hiej neet stop

En ach met al die gater klaort de loch weer lekker op

Oetveurende: **Sjapoo**

Teksdichter: *Marij Gijsen -Verkoelen*

Compenis: *Marij Gijsen -Verkoelen*

Plaats: *Kessel-Eik*

LVK05



Vendaog höb iech geinen tied

Bij us in de gooj kamer is 't einen oonderein
pekskes, pruke, alles ligk doorein
de dikke zjiem steit neve d'n tv
confetti vinste zelfs op de plee
Op d'n drossoir steit in de stöb gesjreve:
Wat e gelök um hei te mage leve...!!

't Huteke vaan ama kump ouch noe weer
good vaan pas
en vaan ampa is dee slippejas
Die sjoen kalbas waar vreuger vaan tant Nie
deen hoege zije vaan miene noonk Pie
Vaan keends aof aon is 't us mètgegeve:
Wat e gelök um hei te mage leve ...!!

Refrein:

*Vendaog höb iech geinen tied
um te pótse, um te koke, veur de striek
want noe is 't weer zoe wied
um te springe veur dee ketelemeziek
Vendaog höb iech miech belaoef
- en dat nump miech geine aof -
tot es 't asselegoonsdag is
iech vaan dee Vastelaovend gaar niks höb gemis..*

Oetveurende: **Duo X-Elle**

Teksdichter: *Noël Fabry*

Compenis: *Raymond de Pauw*

Plaats: *Mestreech*

LVK06



Alohalaaf!

Refrein :

Alohalaaf! De leefde vur de vastelaovend.

Alohalaaf! Ut sjoenkelt duchtig in de bol.

Dao is vur altied ut hert van vol, jao det geveul: det is.

Alohalaaf! Van smergesvreug wies in d'n aovend.

Alohalaaf! Confettivinders in dien maag.

Det wilsa belaeve de ganse daag, want det geveul: det is Alohalaaf!

Alohalaaf! De leefde vur de vastelaovend.

Alohalaaf! Ut sjoenkelt duchtig in de bol.

Dao is vur altied ut hert van vol, jao det geveul: det is Alohal...

...aaf en toe dan bise neet te haoje,
ut deint en ut duuzelt, bis gans van slaag.
De kriebels die kome, det kinse raoje,
vreug of laat vanzelluf vur d'n daag.

En knalt ut knon dan illuf kier,
dan knapse has oetein.
Ut griept dich vas, ut smakt nao mier,
det fieës van idderein.

De luts dich gaon, de vuls dich oetgelaote.

Ut is asof d'r anders niks besteit.

De zuus ut truuk in alle bonte straote,
det de wêrreld allein um vastelaovend drejt.

De geis mer door, ut kin hej neet kepot,
kins neet mier blieve staon.

Want alles moog en niks det mot,
leefst wilsa noeës mier gaon.

De kieks in un geschminckt gezich,
det guft ut laeve kleur.

Alohalaaf! Zoeë stil ich mich
de vastelaovend veur!

Alohalaaf! Doot lekker gek, goj alles los!

Alohalaaf! Vergaet nów wasse merge mos!

Alohalaaf! Geneet, bin vrej en veul vandaag,

Alohalaaf! confettivinders in dien maag!

Oetveurende: **Alaaf Airlines**

Teksdichter: *Alaaf Airlines*

Compenis: *Alaaf Airlines*

Plaats: *Helje*

LVK07



Mer jòng, dat is 't!!!

Intro:
De wèkker geit, drek wakker waere,
flot 't nës oet, wessje, sjaere.
Pieke, pruur en pekske pakke,
tössjedor nog eijer bakke.
Sjnuutje sjminke, sjnel get bikke,
húndj oetlaote, deur toe klikke,
sjus eweg, s.m.s; vrouw vergaete, wat 'ne sjtres.

Mer dan klopste aan diej vastelaovesdeur,
dan dènkste júng, dao deiste 't toch veur!

refrein:
*Hiej wurt de kop 'ns lekker laeg gesjôd, mer júng...
dat is 't.
Hiej sjeult de kater door de göt, ao luuj...ich wis 't.
Hiej kikkert zelfs enne kwakkert nog van op,
ich wis besjlis, dat is 't.*

En 't sjoanste is doe kris 't, veur niks, veur nop, dat
is top.

sjlot:
Dao sjeiste sjmörges gaer veur op!
Noe múste toch 'ns kieke, wiej luuj zich hiej verrieke,
biej al diej millodieje hun bënneste verblieje.
Ich zeen en huûr allein plezeer,
en wat ich preuf dat sjmaak nao meer.

D'n dokter mit zien pille en al zien tirrapieje,
dae maog noe effe tjille, dae haet vandaag 'ns vrie-
je.
Want nemes veult 'n sentje pien,
dit is de bête millesien.

Oetveurende: **4 op 'n riej**

Teksdichter: *Herman Geenen*

Compenis: *Jean Janssen*

Plaats: *Uermend*

LVK08



D'r Klooneman

Refrein:

*Dao isse dan dae klooneman
Dae zinge, sjpringe, sjoenk'le kan
Dao isse dan dae klooneman
Dae vastelaovend viere kan:
Van vuur nao achter en alaaf
En oppe troem 'nne dieke paaf
Van links nao rechts en in 't rond
Mit 'nne lach op ziene groeëte mond
Laot gaon, gaef gaas, en huf 't glaas
Sjpring laöker in de loch
Van vastelaovend viere
Kriege vier toch noeëjts genog
Laot gaon, gaef gaas en huf 't glaas
van vastelaovend viere krieg v'r noeëits genog*

Mit vastelaovend sjnapt Hoebèr zien heudje oet de kas
zien roeëie naas, zien prukkebol en ziene sjluppejas
zien wengskes verft hae oet de sjminkdoeës roeëd
en gael en greun
dan sjtapte in zien vaölste groeëte sjeun
'nne klooneman mit roeëie naas
Laot gaon, laot gaon, gaef gaas!

En alle sjoeëne maedjes fluust're: zuug dao is hae dan
Dae allerleefste, allersjiekste, fijne klooneman
De sjterkes in zien ooge die belaoeve mich van al
Wat ich mit carnaval belaoeve zal.
'nne klooneman mit roeëie naas
Laot gaon, laot gaon, gaef gaas!

Oetveurende: **July en de Muppe**

Teksdichter: **July Vijgen**

Compenis: **Michel Nita**

Plaats: **Gebrook**


LVK09



Rastalaovend

Refrein:

*Rasta, Rastalaovend
viere veer hie noe mit ein
danse Reggae de ganse aovend
jao, os dreadlocks gans doorein (Rastamaan)
Rasta, Rastalaovend
zette alles op de kop
zelfs Debbie deit te gek hie
en auch Annie kump neet stop
want os Marlie (Marlie! Marlie!), die is de BOB
Rasta! Rasta! Olé!*



Ich pak miene rasta-reggae kleure conga
Dreij 'm om en speel dae rwad geal greune Rumba
Hwör hie bènne zungt weer alles rastalaovend
Klink 't zonnige geluid van vastelaovend
en dan gaon veer mit z'n alle achterein
In dae bòntje rastalaoves reggaetrein

Rasta! Rasta! Vetmaan

In oos Prinse Town geit eederein totaal los
Dae mit die vaere op zien mutske is the Big-Boss
Dreadlock-Holiday steit ederein te zènge
wie eine Rastafari door de tent te sprènge!
en dan gaon veer mit z'n alle achterein
In dae bòntje rastalaoves reaggatrein

Rasta! Rasta! Koelmaan

Oetveurende: **Wim en Loe**

Teksdichter: *Loe Hameleers*


Compenis: *Loe Hameleers*

Plaats: *Stein*


LVK10



Scoreformulier Finale LVK 2012

			Hoofdjury LVK	Jury LVK-finalisten	Jury Journalisten	Jury Vaste-laoveswaereld	SMS Telefoon	Totaal	Plaats
	In volgorde van optreden:	Plaats	Jury1	Jury2	Jury3	Jury4	Jury5	pnt	
1	Mien dink	De Ruiver							
2	De äöpeningsdans...	Zöstere							
3	De confetti-raegendans	Gelaen							
4	De sjeigel	Zitterd							
5	Waer alarm	Kessel-Eik							
6	Vendaog höb iech geinen tied	Mestreech							
7	Alohalaaf!	Helje							
8	Mer jóng, dat is 't!!!	Uermend							
9	D'r klooneman	Gebrook							
10	Rastalaovend	Stein							

Scoreformulier Finale LVK 2012

			Hoofdjury LVK	Jury LVK-finalisten	Jury Journalisten	Jury Vaste-laoveswaereld	SMS Telefoon	Totaal	Plaats
	In volgorde van optreden:	Plaats	Jury 1	Jury 2	Jury 3	Jury 4	Jury 5	pnt	
11	Doot 's gek	Venlo							
12	't Sneijt konfettie	Bóches							
13	Nonk Bob oet Jamaica	Gebrook							
14	Laote ver blie zin dat ver d'r bie zin	Göttekaove							
15	Weei hâlde ván en fiësjje	Haors							
16	De miémelaer	Grevors							
17	Waat se hie zuus det zuus se nörges	Mofert							
18	Hand in hand veur vastelaovend	Hölsberg							
19	Sjuulke Caesar	Meersje							

*Bij gelieke sjtand wurdt gekeke nao de punte van de LVK-hoofzjury

Doot 's Gek

Refrein:

Gek, gek, doot 's lekker gek!

Gek doon, det is gen gebrek.

As de joeks is oètgelek,

Van d'n eine nao d'n ander.

Maf, maf, doot 's lekker maf!

Maf doon, wuurt neet aafgestraf.

"Normaal" is noow aafgeschaf!

Wae heej neet aan trek is knetter.gek.

Ik waer gek van van dae'n eine, dae geveul veur ritme mis

Of van die neet begrièpe waat ózze vastelaovend is!

Ik weer maf van det wachte in ein riej, met hoe?ge noeëd.

Maar ouk van dae'n ónverkleide, want dae velt boè-te de boeët.

Ouk al dinkse aaf en toe, 'k waer tuureluurs,

Doot lekker gek asse meins desse ut wuurs.

't Is um maf van te waere, dae haet wéér d'n ièrste ierste priès.

Ik dreij door van det leedje want det dreije ze heej griès.

Stapelgek kin ik waere as mien stumke weer neet wilt.

Of, as d'r dich eine veur is, dae ut hert van emus staelt.

En dreijse van ut ein of ander door?

Dan doot 's gek, ouk al is det ens per jaar!

Brök

"Doot maar normaal, des gek genóg".

Wuurt in de regel dök gezag.

Det vinde weej waat wièd gezóçh,

En is ouk neet door ós bedach.

Asse neet gek wils waere dan,

Mósse veural ens gek gaon doon.

De waereld lach, geneet d'r van.

Doot lekker maf en speel de kloon!

Oetveurende: **W-Dreej**

Teksdichter: *Quinn Warmerdam*

Compenis: *Quinn Warmerdam*

Plaats: *Venlo*


LVK11



't Sneijt Konfettie

Refrein:

't Sjneijt konfettie en iech rof alaaf
3 klure valle oes d'r himmel eraaf
Roeë, jeal en jrung
Nea wat zunt die klure sjun
't Sjneijt konfettie en iech rof alaaf
3 klure valle oes d'r himmel eraaf
Roeë, jeal en jrung
Wat zunt die vastelaovendsklure sjun



Iech jeleuvet mieng eege ooge nit
Wie iech wakker woeët zoog iech ee komiesj lit
Wie iech de jordienge toen han opjemaat
Han iech mich ieësj ins kapot jelaat

Va vruijt rammelet 't janse jebung,
Den boesse woar alles roeë, jeal en jrung
Oes 't hüsje, ram vroeë en jans bevreijt
Róffet iech: 't hat 3 klure jesjneijt!

De janse welt verendert en weëd jekluurt
De vastelaovendsjekke hant noe de welt jehuurt
Iech sjrei alaaf teëge de welt,
Wil karnaval nit misse, vuur jee jeld

Oetveurende: **IECH & die Anger Tswei**

Teksdichter: *Marc Ruijters*

Compenis: *Marc Ruijters*

Plaats: *Bóches*

LVK12



Nonk Bob oet Jamaica

Refrein:

*Want nonk Bob, joa nonk Bob,
zèt de tent weer op de kop
mit ziene Ska meziek
en hae danst, jao hae danst,
haet van alle vrouwluuj sjans
mit zien bein van elastiek
en hae zingt jao hae zingt,
nog veul heller dan hae drinkt
trikt zalen vol publiek
Want nonk Bob, joa nonk Bob,
zèt de tent weer op de kop
veur häöm is Ska pas carnavals-meziek*

Zo'n twintig jaor geleje
ging nonk bob uns immegrere
mit de träöt richting Jamaica
om de Ska uns good te liere

Mer mit d'r Vastelaovend
kump d'r gans nao Limburg trök
om te träöte, danse en zinge
De meziek is zien gelök!!

Noe twintig jaore later
Is hae nao Limburg trök gekomme
Mit d'r ska in zien gedachte
en auch de träöt is mit genomme.

Want mit d'r Vastelaovend
Sjtaon vieër same gans veuraan
om te träöte, danse en zinge
Kiek os noe uns sjtaon!!

Oetveurende: ***Dat bin ich Vergaete***

Teksdichter: *Bryan Stelten & Johan Derrez*

Compenis: *Bryan Stelten & Johan Derrez*

Plaats: *Gebrook*

LVK13



Laote ver blie zin dat ver d'r bie zin

Refrein:

*veer hawte van 't laeve
egaal wie dat auch löp
d'rom houp'ver dat 't nog lang doert
pes dat ôs d'n Herrgott reup*

*laote ver blie zin dat ver d'r bie zin
woa niks hoof, niks môt
dao veul'veer ôs good
laote ver blie zin, 't kan zo veurbie zin
ver zin van vleisj en blood,
ver hawte niks te good*

ach, dat is zo lekker hie
want nemes maak zich drök
hie kenste dae zin dae se't leefste bes
plezeer en vrundsjap, gekkerie
niks wo 't aan ontbruk
de lach op dien gezich dae zaet de res
alles höb' ver d'r veur euver
alles wil' ver d'r veur doon
die daag met vastelaovend
zin veer hie neet weg te sjlaon

bie ôs hie kènt zich jeder
en 'ne vraeme veult zich toes
zo is 't en zo zal 't hie auch ummer zin
hie kôm ver gaer biejein dit is
veur ôs 't tweede hoes
ben ummer blie es ich d'r dan weer ben
auch mit de vastelaovend dan
is hie bij ôs get los
't is lekker om derbie te zin
met vrunj zo ônger ôs

Oetveurende: **Kartoesj**

Teksdichter: *Guus Steinen*

Compenis: *Guus Steinen*

Plaats: *Göttekaove*

LVK14



We hâlde ván en fiësje

Refrein :

Weei hâlde ván en fiësje
weej laeve vur de lol
't zit in d'n aard ván 't biësje
en hâlde dát nag jaore vaol
Weei hâlde ván en fiësje
Ván Lang leave de lol
't zit in d'n aard ván 't biësje
en hâlde dát nag jaore vaol

Ze zegge jao't glaas dát is nag hâllef vaol
en 't is noëits hâllef laeg
en ás ge dát zoë zit, joa ás ge zoë vort daenkt,
ziede óp de gójje waeg
De sterre gaon da straole, 't zunke mákt meej bliej
en is d'r wer en fiësje da daenk ik: c'est la vie

Jao "Stel ni álles oêt wát ge vándraag kunt doon"
haet ós mam meej aalt gelierd
en lach is óp d'n tiêd, en noa 'n fiësje goan
dát is ech ni zò verkierd
Ik wiet wál dát zon fiësje ok door giêt soonder meej
ma toch bin ik 't lifste, 't lifst d'r zelf beej

Oetveurende: **Thijssen en Co**

Teksdichter: *Thijs & Cor Kleeven Kuipers*

Compenis: *Thijs Kleeven*

Plaats: *Haors*

LVK15



de Miémelaer

Refrein :

*Wât enne miémelaer
Dae zuút zich zelf gaer
Hae löp allein naeve zien schoon
Wât enne kale kak
Daen dab mich mâr d'n hak
Hae wet ni ens wiej- e môt doon
Wât enne miémelaer
Dae zuút zich zelf gaer
Speegel speegel aan de wand
Hâjse oeit wille barste
griep dân now dien kans
mâr maak um iërs miër mans*

Hae hâj gestudeerd vur vâ alle
en wis dus ok alles ut bes
Toch numde weej um "de verknallus"
want dât waas now duk juus de pes
Hae snapte ni wiej hae môs viére
gedroog zich wiej enne pijs
Dus hebbe weej um môtte liére
dât vâ binne oét alles pas

Altiéd vurdât hae ging stappe
begreep hae ôs toch wir verkiêrd
Weej ginge gewoën op de lappe
mâr mesjeu hâj zich flink opgediêrt
Zoe viér-se toch gen vastenaovend
in godsnaam wao is dien verstand
Mâr now zag hae toch vuûlbelaovend
dât ut binne beej um now brand

Oetveurende: **De Toddezèk**

Teksdichter: *René Verschueren*

Compenis: *René Verschueren*

Plaats: *Grevors*

LVK16



Waat se hie zuus det zuus se nörges

Refrein:

Waat se hie zuus det zuus se nörges

Allein bie ós, bie ós, bie ós

Waat se hie zuus det zuus se nörges

Dit haw in Braobantj of in Kölle,

zelfs in Rio neet gekós

't Is zoea gek neet te bedinke of veer höbben 't hie

En höbbe veer 't neet, verzinne veer 't waal d'rbie

Waat se hie zuus det zuus se nörges

Allein bie ós, bie ós, bie ós

D'r kwaan 'ns eine vreaemdje in oos Limburgs landj
Dae wis neet waat d'r zoog en vroeg: "Waat is hie
ane handj?"

't Alderbäövelstebèste is 't hoogste waard in rang
Mer 't minste van 't minste veur oos Limburg bön
ich bang

Want veer, veer höbben hie alles, 't is einzaam ane top
Kump emes inne buurt doon veer 'n sjöpke baove-
drop

Oos mansluujzittinge, kaerel leef, die staon häör
menke waal

Oos joekskepelle zeen kampioen in 't make van ke-
baal

De gater inne optochte, doe zuus d'r nörges mieër
Veer höbbe nag det keteerke, det gebeurtj ós kieër
op kieër

De versjillendje dialekte die drieven ós oetein
Veer verstaon ós dökker neet zoea good of gaar
neet óngerein

Mer ómdet veer ós hie good verstaon, veer hajen
euverein
Brink det plat ós örges anges alzelaeve weer biejein

Oetveurende: **La Bamba**

Teksdichter: *Ron Roemen*

Compenis: *Huib Lemmens*

Plaats: *Mofert*

LVK17



Hand in hand veur vastelaovend

Refrein:

*Hand in hand sjtaon veur veur vastelaovend,
veur sjlaon 'n brök die dreug van Noord tot Zuid.
Hand in hand sjtaon veur veur vastelaovend,
en es 't lök dan klink 'n nuuj geluid.
Al sjeelt 't Zuide anger noate es 't Noorde,
dat is de eigenheid die ederein waardeert.
Ze sjmèlte same tot de prachtigste akkoorde,
wo gans Limburg mit die daag van profiteert.*

De boerebroed van Venlo en 't Mooswief van Mestreech,
die danse op 't Munsterplein tot aan 't mörgel-
leech.
D'r Lange Jan oet Heële en d'r kloon oes Kirchroa,
die loupe zich in Mook in polonaise achternao.
Van everal klink de nachtegaal zoa wie 'r is ge-
bek,
en al is dat zoa versjillend, veur versjtaon ós hie
perfek.

De Roej en Blauw van Eèsjde sjele same aan 'n
sjtök,
in Thoear dao klink de canon van de Geite en de
Bök.
En Zefke Mols oet Zitterd löp in Wieërt de deure
plat,
De Katers, Kuus en Piëlhaas zjwiere door de Wae-
relsjtad.
De hoorn van de herder sjalt langs Maas, Roer en
Geul
en Limburgers die deile noe 't zelfde gevoel.

Brök:
*Sjouwer aan sjouwer, zoa sjtaon v'r naeveinein,
es dragers van 't sjoanste sjtök cultuur.
Of jonger, of ouwer, hie klink mer ein refrein,
veur zinge 't vol passie en vol vuur.*

Oetveurende: **De Geliënde**

Teksdichter: *Maurice Pluijmakers*

Compenis: *Jos Gijzen*

Plaats: *Hölsberg*

LVK18



Sjuulke Caesar

Refrein:

*Want es Sjuulke Caesar, dat haw geweite,
Waar dae nwats, oet Limburg weg- gegoon,
Haw dae neet gezag, jongens veer zeen pleite!
Nein, dat haw dae van ze leeve, zeker neet gedoon.
Want es Sjuulke Caesar dat haw geweite,
Laog 't Vaticaen noe in Remung,
Jao dan ginge de Romeine , in de polonaise,
Waore die wie oos , echte vastelaovesvrung!*

't Is alweer get jaore trök,
d'n tied van de Romeine,
Die kaome nao oos Limburgs land,
mèt trommels zie aan zie,
Jao hunne baas waar Caesar
en zwa gaof 't 'r mer eine,
Dae zaog oos prachtig Heuvelland,
dat maak'de haom zwa blie,
Méh Sjuulke ging oet Limburg weg,
g'r veult 'm deenk ich al,
H'r haw noch neet zeen vot gedrejt,
toen kaom de karneval.

En Sjuulke kaom in Rome trök,
't woort 'n happy einde,
Dao trof h'r zien Cleopatra,
die ging 'm aan de prie,
En vraog mich noe neet wie 't kump,
ze kraoge 'nne kleine,
Jao zellefs 'nne keizer is de keuning dan te riek,
't Jherste wäörtsje dat h'r sjpraok,
dae kleine batteraaf,
Dat waar neet mam, dat waar neet pap,
heer reep geliek alaaf!!

Oetveurende: **'t Maog geine naam höbbe**

Teksdichter: *Eric Reck, Charel Jeuken*

Compenis: *Leon Eikenboom*

Luc Volders

Jos Thewissen

Plaats: *Meersje*

LVK19



VAAN EYSDE TOT DE MOOKERHEI

HET GROTE LVK BOEK



BESCHREVEN HISTORIE VAN HET LVK - 35 WINNAARS
HISTORISCH MATERIAAL - MEER DAN 300 PRACHTIGE
FOTO'S - MUSTHAVE VOOR ELKE VASTELAOEVESVIERDER!

Vaan Eysde tot de Mookerhei is een uitgave van L1 en RedFrock Publishing in samenwerking met Stichting LVK



L1mburg live





Vrunj LVK

Buro Pro Gelaen

Boels Rental

Schrijen-Lippertz

Bogman Voegersbedrijf - Gevelreiniging

Café Ronckenstein De Ruiver

Café Zaal De Ster Neel

KOH harmoniezaal Eésjde

D'r Kaffee Mergraote



LVK





4 februari 2012

**Gulpener Bier
LVK afterparty**

Entree € 11,-
Aanvang 20.00 uur



Veilinghal Margraten

W-Dreej

Toddezek

Kartoesj

Gaston Jacobs

Frans Croonenberg

Paul & Leo

Thei & Marij

WINNAAR LVK 2012

Publieksjumme per SMS of telefoon

Auch geer kint mitbepale wae 't LVK-2012 geit winne.

De publieksjumme tÛlle veur 1/5e deil mit in de eindoetsjlaag.
Geer kint mètdoon door ein sms te sjikke of te belle.

SMS € 0,70 per sms		SMS nao 4422
01 Mien Dink	De Ruiver	LVK01
02 De Äöpeningsdans	Zöstere	LVK02
03 De Confetti-Raegedans	Gelaen	LVK03
04 De Sjpeigel	Zitterd	LVK04
05 Waer Alarm	Kessel-Eik	LVK05
06 Vendaog höb iech geinen tied	Mestreech	LVK06
07 Alohalaa!	Helje	LVK07
08 Mer jöng, dat is 't!!!	Uermend	LVK08
09 D'r Klooneman	Gebrook	LVK09
10 Rastalaovend	Stein	LVK10
Telefoon € 0,70 per gesprek	09 09 - 20 27 030	

Publieksjumme per SMS of telefoon


Auch geer kint mitbepale wae 't LVK-2012 get winne.

De publieksjumme tÛlle veur 1/5e deil mit in de eindoetsjlaag.
Geer kint mètdoon door ein sms te sjikke of te belle.

SMS € 0,70 per sms		SMS nao 4422
11 Doot 's Gek	Venlo	LVK11
12 't Sneijt Konfettie	Bóches	LVK12
13 Nonk Bob oet Jamaica	Gebrook	LVK13
14 Laote ver blie zin dat ver d'r bie zin	Göttekaove	LVK14
15 Weei hâlde vån en fiësje	Haors	LVK15
16 de Miémelaer	Grevors	LVK16
17 Waat se hie zuus det zuus se nörges	Mofert	LVK17
18 Hand in hand veur vastelaovend	Hölsberg	LVK18
19 Sjuulke Caesar	Meersje	LVK19
Telefoon € 0,70 per gesprek	09 09 - 20 27 030	

Euverzich winnaars 't Limburgs Vastelaovesleedjes Konkoe

JAOR	HERKOMS	TITEL	COMPENIS	TEKSDICHTER	OETVEURENDE	FINALEPLAATS
1977	Mestreech	Vaan Eysde tot de Mokerhei	J. Innemee	B.Salden	The Walkers	Gelaen
1978	De Ruiver	De zaagte geej	J.Theelen	A.Wassen	Lei Driessen	Gelaen
1979	Gelaen	Dan kal ich plat	B.Erkens/T.Arts	B.Werkens/T.Arts	B.Erkens	Gelaen
1980	Zitterd	De beierheering	H.Wijnands	H.Wijnands	P.Eijkenboom	Gelaen
1981	Remunj	De vastelaovend heurt bie Limburg	N.Reijners	N.Reijners	N.Reijners/D.Reijners	Gelaen
1982	Göttekaove	Zoa moosj 't kènne blieve	G.Steinen/G.Wauben	G.Steinen/G.Wauben	De Zjweitvuit	Gelaen
1983	Gelaen	Mie Limburgs blood	B.Erkens	M.Zijlstra-de Loo	Roed is Droof	Gelaen
1984	Meersje	Doa moste mèt ljière léve	L.Volders	L.Volders	Leon Volders	Remunj
1985	Gelaen	Hawt 'm vas de vastelaovend	Bert Dijcks	J.Ridderbeekx	Jan Ridderbeekx	Heëlehei
1986	Mestreech	Jao heij in Limburg	J.Duchateau	J.Duchateau	Beppie Kraft	Gelaen
1987	Lin	Wiebölle	J.Evers	P.Evers	Duo twee plus	Gelaen
1988	Venlo	Minse wie weej	G.Aerts	F.Boermans	De Kammeräodjes	Gelaen
1989	Venlo	De knappe(rikke)	F.Boermans/G.Aerts	F.Boermans/G.Aerts	W.Vestjens en H.Cromvoets	Gelaen
1990	Gelaen	Ich tik neet richtig	B.Erkens	M.Zijlstra-de Loo	Ben Erkens en zien maedjes	Gelaen
1991	Venlo	Det is ein joekskepel op joets	J.Jacobs	S.Maaskant	Hay en Paul Peeters	Gulpe
1992	Venlo	Waat hebbe we 't toch good	F.Boermans/G.Aerts	F.Boermans/G.Aerts	W.Vestjens en H.Cromvoets	Lin
1993	Tegele	'nne Late	P.van den Akker	P.van den Akker	Thei & Marij	Tegele
1994	Venlo	Heej of dao	G.Aerts	G.Aerts	W.Vestjens en H.Cromvoets	Baek



JAOR	HERKOMS	TITEL	COMPENIS	Teksdichter	OETVEURENDE	FINALEPLAATS
1995	Haors	De ganse santekraam	T.Kleeven	C.Kuipers	de Wazelvotte	Roggel
1996	Mestreech	Drejje!!	U.& B.Garnier	U.& B.Garnier	Duo Ammezasië	Haors
1997	Venlo	Had ik maar	J.Gubbels	F.Boermans	W.Vestjens & H.Crompvoets	Gelaen
1998	Ulesjtraote	Opzie, Opzie, Opzie	G.Jacobs	G.Jacobs	Gaston en zien vrunj	Wieërt
1999	Mestreech	Iech höb diech weer gevoonde	Bert & Ursula	U.& B.Garnier	't Merretkoer	Belvend
2000	Venlo	Josefien	W.Roeffen	Roeffen/Boermans	W.Vestjens en G.Deenen	Kirchrao
2001	De Ruiver	Good geammezeerd	A.Wassen	A.Wassen	Dét môt kenne	Neel
2002	Gulpe	Wie d'r Herrgot Limburg had gemaak	Ben Erkens	Ben Erkens	Frans Croonenberg	Blierick
2003	Venlo	Dèh dan, dao isse	Peter Jansen	P.Jansen & W.Janssen	P.Jansen & W.Janssen	Zitterd
2004	Heële	Tweemaol aafgezeëg(en nog te kót)	Munstermann/Keularts	Munstermann/Keularts	Paul en Leo	Sint Odiliën Berg
2005	Bor	Wat zaeter?!	Ben Erkens	Heffels/Dullens/Erkens	Böshuuske Ontsjpannings Ver.	Venray
2006	Lömmerich	Dat zit bie os in de familie	Guus Stienen	Guus Stienen	Kartoesj	Stein
2007	Grevors	Heej bliëf ik plekke	Rene Verschueren	Rene Verschueren	De Toddezek	Neel
2008	Venlo	De kriebels	Frans Pollux	Frans Pollux	Bram & Ruud	Serum
2009	Grevors	Ni miër en ni minder	Rene Verschueren	Rene Verschueren	De Toddezek	Gelaen
2010	Venlo	Vandaag!	Quinn Warmerdam	Quinn Warmerdam	W-dreej	Thoear
2011	Venlo	Kôm 's kiëke beej ôs	Quinn Warmerdam	Hannelore Winter	W-dreej	Panningen
2012		???				Mergraote



de Bertha-Paulissen Baeker

foto: RedFrock Publishing

Index

	pag		pag
Limburgs volkslied	2	1 Mien Dink - Pieter en de Aajwiever	12
Veurwoord veurzitter LVK	4	2 De äöpeningsdans - Spik en Span	14
Veurwoord veurzitter Stichting LVK-2012	6	3 De Confetti-Raegedans - Veer Veere	16
Veurwoord Burgemeister	8	4 De Sjeigel - Cyrille Niel	18
W-Dreej (winnaer 2011)	10	5 Waer Alarm - Sjapoo	20
		6 Vendaog höb iech geinen tied - Duo X-Elle	22
		7 Alohalaa! - Alaaf Airlines	24
		8 Mer jòng, dat is 't!!! - 4 op 'n riej	26
		9 D'r Klooneman - July en de Muppe	28
		10 Rastalaovend - Wim en Loe	30
		Score-formulier Finale	32-33
		11 Doot 's Gek - W-Dreej	34
		12 't Sneijt Konfettie - IECH & die Anger Tswei	36
		13 Nonk Bob oet Jamaica - Dat bin ich Vergaete	38
		14 Laote ver blie zin... - Kartoesej	40
		15 Weei hâlde ván en fiësj - Thijssen & Co	42
		16 De Miémelaer - de Toddezèk	44
		17 Waat se hie zuus... - La Bamba	46
		18 Hand in hand veur vastel. - De Geliënde	48
		19 Sjuulke Caesar - 't Maog geine naam höbbe	50
		Mit sjtumme euverzich	58-59
		Historie euverzich	61-64

Pès anger jaor op vriedig 1 fibberwari 2013!



EUREGIO
HABETSROYEN

bedrijfs & belastingadviseurs

ENGELBERT

AUTOBEDRIJF

Schoonmaakbedrijf J. van Wersch

Aan de Noot 33
6291 VV Vaals

T.: 043 306 63 84



 DUMONT, keurslager
Uw cateringspecialist

Boels
RENTAL

**1^o Reklame
REBEMA**

vanbanen®



EËSJEDE - MERGRAOTE LVK 2012

